

Р. Л. АЗИЗБЕКЯН, *Рост культурно-технического уровня рабочего класса Советской Армении в условиях развитого социализма*, Изд-во АН Армянской ССР, Ереван, 1984, 164 с.

Ռ. Լ. ԱԶԻԶԵԿՅԱՆ, Սովետական Հայաստանի բանվոր-դասակարգի կուլտուր-տեխնիկական մակարդակի անբ զարգացած սոցիալիզմի պայմաններում, ՀՍՍՀ ԳԱ հրատարակություն, Երևան, 1984, 164 էջ:

Բանվոր դասակարգի՝ զարգացած սոցիալիզմի հասարակության սոցիալական կառուցվածքում գերակշռող հանրության պատմական փորձի, անցած ուղու և զարգացման հեռանկարների ուսումնասիրությունը սովետական պատմագիտության առաջնահերթ խնդիրներից է: Այդ խնդիրների շարքում ուրույն տեղ ունի զարգացած սոցիալիզմի պայմաններում բանվոր դասակարգի կուլտուր-տեխնիկական մակարդակի աճի հետազոտությունը: Բանն այն է, որ արտադրության գրեթե բոլոր ոլորտներում նոր տեխնիկայի ու տեխնոլոգիայի, մասնավորապես էլեկտրոնային հաշվիչ մեքենաների զանգվածային կիրառումը մեծապես խթանում է այդ մակարդակի բարձրացումը, առաջ բերելով նույնիսկ արմատական որակական փոփոխություններ: Նման եզրակացության ես գալիս, կարդալով Ռ. Ազիզեկյանի մենագրությունը, որը նվիրված է արդի պայմաններում Սովետական Հայաստանի բանվոր դասակարգի կուլտուր-տեխնիկական մակարդակի աճի հետազոտմանը: Ձեռնամուխ լինելով շատ արդիական, բայց ժամանակի առումով տակավին ընտելված լսվածք և դրանով իսկ համեմատաբար դժվար թեմայի հետազոտմանը, աշխատության հեղինակն իր առջև կոնկրետ խնդիր է դրել՝ բացահայտել Սովետական Հայաստանի բանվոր դասակարգի կուլտուր-տեխնիկական մակարդակի աճի համար որոշիչ օրինաչափությունները և հետագա զարգացման միտումները: Սակայն պետք է նկատել, որ Ռ. Ազիզեկյանի հետազոտությունն ունի ավելի լայն ընդգրկում, քան սոսկ զարգացած սոցիալիզմի շրջանում հանրապետության բանվորության կուլտուր-տեխնիկական մակարդակի հետազոտումն է: Հեղինակն իր ընտրած պրոբլեմը դիտարկում է ընդհանրապես ՍՍՀՄ բանվոր դասակարգի զարգացման օրինաչափությունների հետ սերտորեն կապված: Սա շատ կարևոր հանգամանք է, որովհետև բուն ժողովրդական շրջանակներից դուրս գալը նրան հնարավորություն է տվել հասնել անմիջականորեն, երբեմն էլ հարևանցի շոշափել հարցեր, որոնք կարևոր տեսական նշանակություն ունեն և ավելի են արժեքավորում աշխատությունը:

Կոմունիստական շինարարության շրջանում երկրի բանվոր դասակարգի գիտատեխնիկական և կուլտուրական մակարդակի աճի հարցերն ընդգրկող կուսակցական փաստաթղթերից և հատկապես ՍՄԿԿ XX—XXVI համագումարների պատմական որոշումներից ելնելով՝ Ռ. Ազիզեկյանը նշում է, որ 1950-ական թվականների երկրորդ կեսերից սկսած քննվող պրոբլեմի ներկայումս գիտական հետաքրքրության աճը պայմանավորված է գիտատեխնիկական հեղափոխության լայն ծավալմամբ, որի հետևանքով երկրի զարգացմանը զուգընթաց ավելի ու ավելի է բարձրանում հեղափոխական պրոլետարիատի լավագույն հատկանիշների ժառանգորդ ժամանակակից բանվորության դերը: Լինելով հասարակության առավել կազմակերպված, համախմբված և գիտակից դասակարգը, նա հաջողությամբ է լուծում հասարակարկուն առաջընթացի բոլոր հիմնական հարցերը: Սովետական բանվոր դասակարգն այդ անփոխարինելի դերը կատարում է իր շուրջը համախմբելով գյուղացիությանը և մտավորականությանը, որոնք ես, բանվորության նման, բոլոր ուժերն ի սպաս են դրել երկրի կոմունիստական վերափոխության գործին:

Ռ. Ազիզեկյանը գիտական քննության է ենթարկում այն տեսակետները, որոնք առկա են բանվոր դասակարգի կուլտուր-տեխնիկական մակարդակի հասակացության վերաբերյալ: Բանն այն է, որ տվյալ հարցում միասնական մեկնակետ չկա: Հեղինակը միանգամայն ճիշտ ստեղծ-

ված փնակը բացատրում է մի կողմից խնդրի դժվարությամբ, իսկ մյուս կողմից՝ նրանով, որ միայն վերջին տարիներս է սկսվել սովետական հասարակության զարգացման բոլոր փուլներում խնդրո առարկա պրոբլեմի հիմնավոր հետազոտությունը։ Մերժելով քիչ թե շատ թեքի մի շարք տեսակետներ, Ռ. Ազիզբեկյանը համամիտվում է ույն հետազոտողների հետ, որոնք ժբանվոր դասակարգի կուտուր-տեխնիկական մակարդակ» հասկացության մեջ ընդգրկում են բանվոր-ների ընդհանուր և մատնագիտական կրթության, հոգևոր պահանջմունքների բավարարման ու պրոֆեսիոնալ պատրաստության հարցերը, ապա և՛ հասարակական գիտակցականության աստիճանը, Բավական է թեկուզ հպանցիկ հայացք ձգել այս թվարկման վրա, որպեսզի պարզ լինի, թե արդի քաղաքակրթության ճանապարհին ինչպիսի հզոր թոփը է կատարել սովետական բանվորությունը, թե ինչպիսի բարձր մակարդակի է նա հասել զարգացած սոցիալիզմի շրջանում։

Իր իսկ ընդունած չափանիշների առումներով հեղինակը հանգամանորեն հետազոտել է Սովետական Հայաստանի բանվորության հետ կապված այնպիսի հարցեր, ինչպիսիք են հանրապետության բանվոր դասակարգի քանակական և որակական կազմերի փոփոխությունները, ընդհանուր և մասնագիտական մակարդակի բարձրացումը, նյութական բարեկեցության և կուտուրական պահանջմունքների աճը, բանվորական կադրերի պատրաստումը և վերապատրաստումը, տեխնիկական ստեղծագործությունը, հիշարարական համագործակցությունը ՍՍՀՄ մյուս հանրապետությունների բանվոր դասակարգի հետ և այլն։

Սենագրության մեջ առանձնահատուկ տեղ է հատկացված ՀՍՄՀ բանվոր դասակարգի կրթական մակարդակի աճին։ Պույց է տրված, որ զարգացած սոցիալիզմի ժամանակաշրջանում մեր հանրապետության բանվոր դասակարգն իր կրթական մակարդակով միութենական հանրապետությունների մեջ զբաղում է առաջին տեղերից մեկը։ Բանվոր դասակարգի ճյուղային ջոկատներն կրթական մակարդակների համակողմանի համեմատությունը հեղինակին հնարավորություն է ընձեռել եզրակացնելու, որ բանվորության կրթական մակարդակը հատկապես բարձր է արդյունաբերության այն ճյուղերում, որոնք պայմանավորում են արդի գիտատեխնիկական առաջընթացը։ Աշխատության մեջ քննվում է նաև բանվոր-մտավորականների խավի հարցը և ցույց տրվում բանվոր դասակարգի կազմում նրա արագ աճը։ Ընթերցողի աչքի առնելով անցնում է ժամանակակից բանվորների դիմանկարների մի ամբողջ պատկերաշար, որոնց անունները լայնորեն հայտնի են հանրապետությունում։ Նրանք ոչ միայն արտադրության առաջավորներ են, նորարարներ, այլև համակողմանի զարգացած և հոգևոր մեծ պահանջմունքներ ունեցող մարդիկ։ Հեղինակը բերում է նաև առաջավոր բանվոր-նորարարների ու գիտնականների ստեղծագործական սերտ համագործակցության մի շարք օրինակներ, որոնք վկայում են հանրապետության բանվոր դասակարգի տեխնիկական մակարդակի բարձրացման մասին։ Այդ բոլոր հարցերը Ռ. Ազիզբեկյանը հետազոտել է բանիմացությամբ, ցուցաբերելով պատմական փաստերն ու երևույթները համադրելու հիման վրա գիտական եզրահանգումներ կատարելու կարողությունը։ Ի վերջո նա եզրակացրել է, որ զարգացած սոցիալիզմի շրջանում Սովետական Հայաստանի բանվոր դասակարգի կուտուր-տեխնիկական մակարդակի աճի ընթացքի ուսումնասիրությունը ցույց է տալիս, որ ուսումնասիրվող ժամանակահատվածում հանրապետության բանվոր դասակարգն աճել է ոչ միայն քանակական, այլև որակական՝ բարձրացնելով իր պրոֆեսիոնալ վարպետությունը և ընդհանուր կուլտուրական մակարդակը։ Հայկական ՍՍՀ բանվոր դասակարգի առաջատար դերը դրսևորվում է կյանքի բոլոր բնագավառներում՝ տնտեսական, սոցիալական, քաղաքական, հոգևոր։ Հայաստանի այսօրվա բանվոր դասակարգն ունի ստեղծագործական մեծ պոտենցիալ, նա ունակ է հաջողությամբ լուծել կուսակցության կողմից առաջադրված՝ կոմունիստական շինարարության խնդիրները, ղեկավարել և ուղղություն տալ հայ սոցիալիստական ազգի հասարակական առաջընթացին» (էջ 147)։

Ռ. Ազիզբեկյանի ուսումնասիրությունը հենված է աղբյուրագիտական հարուստ հիմքի վրա։ Հեղինակն օգտագործել է ինչպես քննվող հարցերի շուրջ լույս տեսած աշխատությունները, այնպես էլ բաղմամբիվ վիճակագրական, արխիվային և սոցիոլոգիական հետազոտությունների նյութեր, որոնք շատ դեպքերում գիտակուս շրջանառության մեջ են դրվում առաջին անգամ։

Արժանին մատուցելով Ռ. Ազիզբեկյանին, միաժամանակ հարկ է նշել, որ գրախոսվող աշխատությունը զերծ չէ թերություններից։ Դրանք մասնավորապես հետևանք են այն բանի, որ մեր իրականության մեջ հեղինակն առաջինն է ձեռնարկել տվյալ թեմայի ուսումնասիրությունը։ Առանձին դեպքերում փաստական նյութերը (մասնավորապես վիճակագրական տվյալները) զերակշռում են հարցի տեսական կողմի հանգամանալից մեկնաբանությունը։ Ինչ խոսք, առանց

վիճակագրական տվյալների հնարավոր չէ հետազոտել սոցիալ-տնտեսական կյանքի այս կախյալն բնագավառում կատարվող տեղաշարժերը, սակայն ոչ բոլոր դեպքերում է վիճակագրությունը լիովին արտացոլում իրերի իրական վիճակը: Այնուհետև, հեղինակը նշում է, որ քան-վոր դասակարգի կոլտուր-տեխնիկական մակարդակի բարձրացման նյութական հիմքը գիտա-տեխնիկական հեղափոխությունն է ու սոցիալական պլանավորումը, որոնք որոշվում են զար-գացած սոցիալիստական հասարակության պահանջմունքներով (էջ 147): Հազիվ թե ճիշտ է պլանավորմանը նման ֆունկցիա վերագրելը: Այս թերությունները, սակայն, չեն նսեմացնում գրախոսվող աշխատության արժանիքները: Այն զգալի ներդրում է Սովետական Հայաստանի զարգացած սոցիալիզմի շրջանի բանվոր դասակարգի պատմության հետազոտման շնորհակալ գործում:

ԱՐԵՆԱ ՍԻՄՈՆՅԱՆ

Պատմական գիտությունների թեկնածու